

四庫全書

子部

欽定四庫全書

欽定西清硯譜卷十八

石之屬

舊端石七螭硯

舊端石海日初升硯

舊端石多福硯

舊端石驪珠硯

舊端石十二章硯

舊端石天然六星硯


舊端石四螭硯

舊端石雁柱硯


舊端石環螭風字硯

舊端石梅朵硯

舊端石七螭硯正面圖 繪圖十分之六



舊端石七螭硯背面圖



舊端石七螭硯下方側面圖

龍之雌子  
或云雌  
者蕉白  
蠖然稱  
硯材設  
以南朝  
以品擬  
人為陸  
抑為陸  
也抑為  
崔隆  
乾隆  
戊仲  
夏  
御題

舊端石七螭硯說

硯高七寸五分寬五寸二分厚一寸三分舊端石  
蕉葉白也取材瑰博潔潤如玉通體墨鏽光可以  
鑑墨池刺蟠螭一邊上方及左右各刻三螭兩兩  
相向覆手深一分許下方微露金線紋側面下方

鐫

御題詩一首楷書鈐寶一曰比德匣蓋並鐫是詩隸書

鈐寶二曰乾隆


御製題舊端石七螭硯

龍之子或云雌者蕉白蝶然稱硯材設以南朝人品擬  
柳為陸也柳為崔






舊端石海日初升硯正面圖 繪圖十分之八



舊端石海白初升硯背面圖



海天初月未央之軌高濂  
硯譜仿以向年茲獲舊端  
初日麗天洪波騰躍昭融  
朗懸日升日恒合璧雙全  
緜几研朱綸綉是宣惠我  
蒸民如被黃棉

乾隆戊戌御銘



舊端石海日初升硯說

硯高五寸七分寬四寸九分厚一寸二分端溪子石為之因其天然式橢圓而微側石質瑩潤中隱帶青花墨池刻作海水騰躍日輪湧起真有懸曦朗曜萬象昭融之勢硯背鐫

御題銘一首楷書鈐寶二曰比德曰朗潤匣蓋並鐫是銘隸書鈐寶二曰會心不遠曰德克符



御製舊端石海日初升硯銘

海天初月未央之軌高瀟硯譜仿以向年茲獲舊端初  
日麗天洪波騰躍昭融朗懸曰升曰恒合璧雙全綈几  
研朱綸綉是宣惠我蒸民如被黃棉




舊端石多福硯正面圖 繪圖十分之五





舊端石多福硯背面圖



舊端石多福硯下方側面圖

天然少  
福久壽  
乾清苑  
顯刺畫  
願類天  
成色黝  
而澤面  
寬且平  
物必有  
偶育來  
作朋飲  
時敦錫  
萬國咸  
寧  
乾隆御  
銘

舊端石多福硯說

硯高一尺一寸寬七寸九分厚一寸九分許舊端  
溪老坑石也紫色而潤硯面寬平墨池深廣中刺  
孔雀一翔舞雲際邊周刺流雲蝙蝠二十七上下  
向背各極其態覆手深二分下方側面鐫

御題銘一首指書鈐寶二曰幾暇怡情曰得佳趣匣蓋  
並鐫是銘隸書鈐寶二曰乾隆考端石採自石洞  
捫壁鑿髓故子石佳者易得而大硯難精是硯大

逾盈尺而細潤無瑕取材既博製作亦精洵硯林  
中瓌璋絕特之觀也



御製舊端石多福硯銘

天然多福久奔乾清茲雖刻畫頗類天成色黝而澤面  
寬且平物必有偶賁來作朋斂時敷錫萬國咸寧




舊端石驪珠硯正面圖 繪圖十分之六






舊端石驪珠硯背面圖



舊端石驪珠硯附銘款圖



大邑同軍

歐定西清列譜

十一

舊端石驪珠硯說

硯高七寸一分中寬五寸二分橢圓式厚二寸舊坑水岩石也受墨處居右下方刻海濤環之上方及左二龍拏攫騰波上下左上方活眼一借作驪龍之珠右方鯨魚漱水氣勢全涌側面亦環刻海水層疊異獸出沒覆手深寸許懸柱幾百柱各有眼繁如散星右上方一眼獨巨若月雲霞擁之似取省月從星之義跗有剝周鐫

御題詩一首楷書  
鈐寶一曰比德  
臣蓋並鐫是詩  
隸書  
鈐寶二曰比德  
曰朗潤



御製題舊端石驪珠硯

橢圓佳品宜墨受深池平面斜居右環刻渤海起波濤  
鸚鵡為珠驪龍守緯蕭之義不言圖意喻隄阮取石否  
天吳海童相遶迂或突而遊或闖走木華賦句鎔鑄中  
復有奇觀鏤覆手衆星羅列柱之端巨者為月麗上首  
是皆活眼非假借如印溟渤上下偶我獨箕疇審省從  
所願綏豐福九有




舊端石十二章硯正面圖

繪圖十分之五






舊端石十二章硯背面圖



舊端石十二章硯側面圖



舊端石十二章硯說

硯高八寸一分寬六寸厚二寸三分橢圓式舊端  
溪老坑石受墨處亦橢圓而微偏右下方墨鏽光  
潤四圍周刻海濤上方龍一向左左旁有眼如珠  
下有小龍攫之為相戲狀右旁有大魚一側面周  
刻十二章覆手深一寸三分許中刻雲霞山水長  
短柱三十有六柱各有眼跗周鐫

御題詩一首楷書鈐寶一曰朗潤匣蓋並鐫是詩鈐寶

二曰乾隆

御製題舊端石十二章硯


周刻虞章意創新幾曾上古有龍賓眼中却合堯夫句  
三十六宮都是春



舊端石天然六星硯正面圖 繪圖十分之六



舊端石天然六星硯背面圖





舊端石天然六星硯說

硯高七寸二分寬四寸八分厚九分舊坑端石也  
肌理溫潤遍體青花隱起受墨處橢圓式墨池如  
偃月上有鸚鵡活眼六累如貫珠因其自然形勢  
聯絡為南斗六星下方斜帶翡翠痕側面就石凹  
凸略加礮治背鐫

御題詩一首楷書鈐寶二曰乾隆匣蓋並鐫是詩隸書

鈐寶同




御製題舊端石天然六星硯

天然猶見舊坑青鶴鶴高低現六星元命苞如喻成就  
斯文萬物解形形



舊端石四螭硯正面圖 繪圖十分之八



舊端石四螭硯背面圖



舊端石四螭硯說

硯高五寸寬三寸九分許厚七分舊坑端石色紫而澤琢為橢圓式墨池中刻子母螭螭二流雲擁繞上方邊左右兩螭內抱刻劃古雅墨鏽深厚覆手深一分許邊有翡翠痕三點中鏤

御題銘一首楷書鈐寶二曰會心不遠曰德克符匣蓋並鐫是銘隸書鈐寶同






御製舊端石四螭硯銘


理細以潤色黝而紫素置內庫百餘年已拂之拭之用  
供締几如絲出綸惟是慎止繪句締章則其小矣



舊端石雁柱硯正面圖 繪圖十分之六



舊端石雁柱硯背面圖



舊端石雁柱硯上方側面圖

趙宋李唐難  
辨年鶴晴廿  
五柱端鎬義  
山儿上若逢  
此錦瑟那嗙  
五十絃  
乾隆戊戌仲  
夏御題



舊端石雁柱硯說

硯高六寸六分寬四寸二分厚二寸五分老坑端石為之質理微側火捺紋黯然而澤通體有棕眼紋受墨處平直邊微剝蝕覆手刻柱二十有五柱各有眼參差行列如瑟之有柱側上方鐫

御題詩一首楷書鈐寶二曰會心不遠曰德克符匣蓋並鐫是詩隸書鈐寶二曰乾隆


御製題舊端石雁柱硯

趙宋李唐難辨年  
鶴睛廿五柱端鐫  
義山几上若逢此  
錦瑟那啗五十絃





舊端石環螭風字硯正面圖 繪圖十分之六



舊端石環螭風字硯背面圖



舊端石環螭風字硯說

硯高五寸六分上寬三寸九分下寬四寸五分厚七分許水岩蕉白溫潤細膩因其天然琢為風字式受墨處及池俱極深廣邊環刻十五螭勢若相顧覆手微凹製作渾古中鎬

御題詩一首指書鈐寶二曰幾暇怡情曰得佳趣匣蓋並鐫是詩隸書鈐寶同




御製題舊端石環螭風字硯


端石天然風字存面螭亦泯刻雕痕用之批諾猶深慮  
草偃於斯豈易言



舊端石梅朵硯正面圖 繪圖十分之七



舊端石梅朵硯背面圖





舊端石梅朵硯上方側面圖

梅花坑石性  
同梅聚五攢  
三朶：開說  
贈藝林供點  
筆元章縮手  
意應猜  
乾隆戊戌仲  
春御題

舊端石梅朶硯說


硯高五寸一分寬三寸厚二寸端溪舊梅花坑石  
左方微刻缺覆手柱幾七十攢三聚五綴如梅朶  
柱眼及左右側水斑色稍黃且眼多有匾者略遜  
水坑而製作同宋式極為樸雅硯上方側鐫

御題詩一首楷書鈴寶二曰比德曰朗潤匣蓋並鐫是  
詩隸書鈴寶二曰幾暇怡情曰得佳趣

御製題舊端石梅朵硯

梅花坑石性同梅聚五攢三朵  
朵開設贈藝林供點筆

元章縮手意應猜



欽定西清硯譜卷十八

欽定四庫全書

子部

欽定西清硯譜卷十九

二十

詳校官中書<sub>臣</sub>李彤

負外郎<sub>臣</sub>牛稔文覆勘

總校官編修<sub>臣</sub>王燕緒

校對官編修<sub>臣</sub>吳省蘭

謄錄監生<sub>臣</sub>葛瀛三

繪圖監生<sub>臣</sub>門慶安

欽定四庫全書

欽定西清硯譜卷十九

石之屬

舊端石瑞芝硯

舊端石蟠桃硯

舊端石轆轤硯

舊端石雲雷編鐘硯

養性殿

舊端石天然壺盧硯

養和精舍

舊端石半蕉硯 賞皇六子

舊端石七光硯 賞皇十一子


舊端石飛黃硯 賞皇十五子

舊端石七星石渠硯 賞皇十七子

舊端石做唐石渠硯 賞皇十七子

舊端石瑞芝硯正面圖

繪圖十分之五





舊端石瑞芝硯背面圖



生巖似桂却  
無芳本石應  
非追琢章晦  
夜設離三百  
步英瑛早合  
見其光  
乾隆戊戌夏  
御銘

舊端石瑞芝硯說

硯高八寸寬七寸厚一寸四分老坑端石四邊天然畧加礮治為瑞芝形芝面正平為受墨處上刻小芝八枚芝莖稍窪處為墨池硯背刻為芝蒂莖上復岐生五芝下方鐫

御題詩一首楷書鈐寶二曰比德曰朗潤匣蓋並鐫是詩隸書鈐寶二曰乾隆




御製題舊端石瑞芝硯

生巖似桂却無芳  
本石應非追琢章  
晦夜設離三百  
步英英早合見其光



舊端石蟠桃硯正面圖

繪圖十分之八



舊端石蟠桃硯背面圖



水岩石子閱千  
秋因其天然稍  
雕鏤撫痕跡  
手不留疑是王  
母漢宮遊贈之  
其秋化琳球却  
笑方朔無能偷  
乾隆御題圖

舊端石蟠桃硯說

硯高四寸五分上寬四寸下銳不及三分之二  
舊水坑子石天然刻作桃實兩面桃葉覆之蒂  
旁微凹為墨池磨礮純熟洵出名手所製硯背  
鐫

御題詩一首楷書鈐寶二曰古香曰太璞匣蓋並鐫  
是詩隸書鈐寶二曰會心不遠曰德充符是硯  
石質嫩而澤左側有水蛙處昔人論水岩佳品




所謂撫不留手柔若無骨者此庶近之

御製題舊端石蟠桃硯


水岩石子閱千秋因其天然稍雕鏤撫泯痕跡手不  
留疑是王母漢宮遊贈之其核化琳球却笑方朔無  
能偷



舊端石轆轤硯正面圖



舊端石轆轤硯背面圖



舊端石轆轤硯說

硯高三寸二分許上寬一寸七分許下寬一寸九分厚三分許水坑舊端質嫩而澤墨池與受墨處離而為二中為樞紐形如轆轤池邊周刻卧蠶文硯背頗隆起下為二足抱以獸面俱離几約分許中鑿

御題詩一首楷書鈐寶二曰比德曰朗潤匣蓋並鑿是詩隸書鈐寶同考古玉圖載黃玉鹿盧環形

製與此相合硯蓋仿為之而製作之工墨鏞之  
厚允為小品最佳者


御製題舊端石轆轤硯

轆轤紐界硯和池意蕊心芽啓沃滋設詠韓詩思汲  
古得修綆者又真誰







舊端石雲雷編鐘硯正面圖



舊端石雲雷編鐘硯背面圖



舊端石雲雷編鐘硯下方側面圖



舊端石雲雷編鐘硯說

硯為編鐘式高三寸八分旋出三分許銑寬二寸八分舞寬二寸二分厚五分舊端溪蕉葉白也邊刻流雲硯背圓抱如半鐘中刻雲雷紋鼓間微空樂間鐫


御題詩一首楷書鈴寶二曰古香曰太璞匣蓋並鐫是詩隸書鈴寶一曰得佳趣

御製題舊端石雲雷編鐘硯

編鐘摹漢扣摹周隱現雷紋雲氣流水部設如方待  
扣金聲擲地亦相投




舊端石天然壺盧硯正面圖





舊端石天然壺盧硯背面圖



舊端石天然壺盧硯說

硯高四寸三分上寬二寸七分下寬三寸三分  
中微束天然成瓢形厚三分許水坑端石質極  
細嫩墨池略窪中刻小壺盧一葉蔓縈繞自然  
渾妙昌黎詩云磨礲去圭角浸潤著光晶此硯  
得之硯背刻菂葉一亦具偏反之勢下方鐫

御題詩一首楷書鈐寶二曰比德曰朗潤匣蓋並鐫  
是詩隸書鈐寶同



御製題舊端石天然壺盧硯

雕幾曾不藉多加形賦天然絲蔓拏憐彼耕而弗獲  
者無端還擬歎匏瓜


欽定四庫全書

金瓶梅詞話  
卷十九

月書卷次詠詞

舊端石半蕉硯正面圖

繪圖十分之七



次定寫青兎齒

舊端石半蕉硯背面圖



舊端石半蕉硯說

硯高五寸七分寬三寸五分厚七分舊水坑端石質細而潤因其自然畧加琢治為蕉葉半幅上方凹為墨池左邊微捲右邊直勒為梗橫理縷縷儼有披風滴雨之趣硯背鐫

御題詩一首楷書鈐寶二曰比德曰朗潤匣蓋並鐫是詩隸書鈐寶二曰幾暇怡情曰得佳趣






御製題舊端石半蕉硯

橫文破葉意精含斐几應教置以南設贈藏真書自  
叙綠天剪處主賓參




舊端石七光硯正面圖

繪圖十分之六



舊端石七光硯背面圖



舊端石七光硯上方側面圖

七柱分明朗  
七光旋輪九  
氣玉清祥設  
如內景黃庭  
注宜贈山陰  
內史王  
乾隆御題



舊端石七光硯說

硯高六寸五分寬三寸九分厚二寸九分宋水坑端石也橫理蕉白青花隱隱溫潤如玉硯首正中有鸚鵡活眼一圓暈明朗上方側鐫

御題詩一首楷書鈐寶一曰德充符覆手七柱亦各有眼雲笈七籤云七光大明旋輪九氣上應玉清是硯柱眼圓朗文光上澈足為翰墨林中徵瑞應矣匣蓋鐫

御題詩與硯同隸書鈐寶二曰乾隆





御製題舊端石七光硯


七柱分明朗七光  
旋輪九氣玉清祥  
設如內景黃庭  
注宜贈山陰內史王



--	--	--	--	--	--	--	--

舊端石飛黃硯正面圖

繪圖十分之八



舊端石飛黃硯背面圖



舊端石飛黃硯下方側面圖

質細如  
綿水岩  
石子兮  
面製鼓  
形喻車  
記里兮  
背刺飛  
黃服周  
方軌兮  
用佐同  
文伊犁  
尺咫兮  
乾隆御  
銘

舊端石飛黃硯說

硯高五寸五分寬四寸厚七分許舊水岩端石  
為之橢圓式受墨處正圓上方墨池刻為偃月  
形深二分外環以規密釘如鼓腔規上下刻四  
螭硯背左右微削覆手亦正圓中刻飛黃一下  
方側鐫

御題銘一首楷書鈐寶二曰古香曰太璞考淮南子  
云黃帝時飛黃服阜又黃帝內傳稱帝制記里

鼓車是硯背刻飛黃而面為鼓形當取義於斯  
匣蓋鐫

御題銘與硯同隸書鈐寶二曰會心不遠曰德充符






御製舊端石飛黃硯銘

質細如綿水岩石子兮面製鼓形喻車記里兮背刻  
飛黃服周方軌兮用佐同文伊犁尺咫兮




舊端石七星石渠硯正面圖

繪圖十分之七



舊端石七星石渠硯背面圖



舊端石七星石渠硯下方側面圖

石渠唐製  
茲惟做背  
柱居然刻  
七星設以  
文章方北  
斗昌黎此  
席孰曾經  
乾隆戊戌  
御題

舊端石七星石渠硯說

硯高四寸四分寬四寸厚一寸七分舊老坑端石硯首石渠外微凸上有活眼一緊小而潤側面下方鐫

御題詩一首楷書鈐寶二曰會心不遠曰德充符匣蓋並鐫是詩隸書鈐寶二曰幾暇怡情曰得佳趣覆手深一寸刻石柱七柱各有眼羅列如斗杓是硯雖仿唐石渠式而石渠較淺狹背刻七

星稍失古意第石質細潤不失為端溪佳品






御製題舊端石七星石渠硯

石渠唐製茲惟仿背柱居然刻七星設以文章方北  
斗昌黎此席孰曾經




舊端石仿唐石渠硯正面圖

繪圖十分之八



舊端石仿唐石渠硯背面圖



舊端石仿唐石渠硯說

硯高三寸五分寬三寸三分厚一寸舊端溪水  
岩石硯面正方受墨處外周環以渠上方微凹  
如仰月邊周刻流雲紋側四面各刻陽文螭虎  
一餘地多陰文淺雕蟠螭形四角有跗雕獸面  
承硯離几七分許硯背覆手刻作兩層四角各  
有如意形斜屬於跗中鐫

御題銘一首楷書鈴寶二曰古香曰太璞匣蓋裏並

鐫是銘隸書鈴寶二曰乾隆是硯石質細潤雕  
鏤工緻係仿唐澄泥石渠硯為之者

御製題舊端石仿唐石渠硯銘

石渠式肇自唐水崖質選其良舊弃王今得羊一再  
詠斐文房慎所好增磅徨



欽定西清硯譜卷十九